

S **LO**
Afl. 1.25

BRIYANDO FUERTE • TRECIENDO CLARIDAD
DIAHUEBS 18 SEPTEMBER 2025

Di Pueblo




WWW.SOLODIPUEBLO.COM



SOLODIPUEBLO@GMAIL.COM

ARUBA PERDE UN GRAN TALENTO: **ROBERT JEANDOR A BAY SOSEGA**



Diaranson mainta tempran, Aruba a ricibi e noticia cu nos musico Robert Jeandor a fayece na edad di 71 aña. Su partida ta laga un bashi dificil pa yena, tanto den mundo musical como den corazon di su famia y su amistadnan.

Robert, a lanta den e barrio conoci como Madiki, tabata un di 11 ruman den un famia hopi uni. Den su bida personal e ta laga atras su esposa Vivian y dos yiu, Robert Jr. y Anoushka, cu semper tabata un apoyo constante den su trayecto.

Un bida entrega na musica

Su pasion pa musica a surgi desde chikito, y oficialmente a cuminsa cu e grupo di aguinaldo Las Blancas Palomitas. Den e añanan setenta, su talento como bahista a duna paso pa uni cu Los Juveniles, banda cu lo marca historia den tumba. Den 1976, 1977 y 1978 el a gana titulo di Rey di Tumba tres biaha consecutivo, logro cu hopi poco a logra.

Un di e tumbanan ganador mas conoci, E Bolobonchi, a logra captura atencion di musiconan internacional, entre nan e gran Johnny Ventura. E experiencia aki a habri porta pa Robert pa subi escenario cu agrupacionan renombra manera El Gran Combo, La Dimension Latina, y mas despues Los Hijos del Rey.

Na 1985, den mei mei di su crecimiento artistico, Robert a funda su propio orkesta: Robert y Su Orkesta. Poco aña despues, na 1990, e a lansa un otro proyecto: Robert y Su Solo Banda Show, consolidando su rol como un pionero den e ambiente musical local.

Ultimo recuerdo riba escenario

E ultimo presentacion di Robert tabata durante un evento bailable, unda ainda a logra gara e publico y entretene su publico, sinta riba su trono musical. Esei a keda como un recuerdo visual di su entrega total na musico y na su seguidornan.

CONDOLENCIA

Solo di Pueblo, y famia Croes, - Edmond, Sandra, Ever, Endy- ta manda condolencia na su famia, amigonan y conocirnan. Cu Robert por descansar den pas eterno, y cu su legado Sigui vibra den e alma di Aruba

Parlamentario Rocco Tjon:

“SI RIJKSWET HOFA TA ASINA BON
PA ARUBA, DICON GOBIERNO NO TA
CONTESTA PREGUNTA?



STATEN VAN ARUBA
Fractie Movimiento Electoral di Pueblo

Geachte Minister,

Gelet op het feit dat de regering reeds akkoord is gegaan met het concept Rijkswet houdbare overheidsfinanciën Aruba (HOFA) en deze vanochtend (29 augustus 2025) in de Rijksministerraad behandeld is, en gezien het belang van de zaak en het gebrek aan transparantie, verwacht ondergetekende dat de onderstaande vragen binnen drie (3) dagen beantwoord worden:

1.

Kan de regering een volledige en overzichtelijke matrix aan de Staten doen toekomen waarin de door de regering geïdentificeerde voordelen en nadelen van de Rijkswet HOFA zijn opgenomen?

2.

Welke financiële voordelen verwacht de regering concreet per jaar indien de Rijkswet wordt aangenomen, uitgesplitst naar de jaren 2026 t/m 2040?

3.

Welke financiële nadelen of lasten verwacht de regering concreet per jaar in dezelfde periode (2026–2040)?

4.

Welke methodologie en aannames hanteert de regering bij het berekenen van de financiële effecten van de Rijkswet?

5.

Op welke wijze heeft de regering deze inschattingen en berekeningen afgestemd met de Staten voorafgaand aan haar akkoordverklaring?

6.

Hoe beoordeelt de regering de invloed van de Rijkswet op de financiële autonomie van Aruba in de komende 15 jaar?

7.

Welke scenario's heeft de regering geanalyseerd voor het geval Aruba de Rijkswet niet zou aanvaarden, en kan zij deze eveneens inzichtelijk maken voor de Staten?

8.

Hoe verhoudt de Rijkswet zich volgens de regering tot de reeds bestaande verplichtingen onder de Landsverordening Aruba financieel toezicht (LAft) en welke meerwaarde ziet de regering in de Rijkswet?

9.

Welke economische en sociale effecten voorziet de regering (positief en negatief) als gevolg van de Rijkswet voor de Arubaanse samenleving in de periode 2026–2040?

10.

Waarom heeft de regering het concept Rijkswet reeds geaccordeerd en laten behandelen in de Rijksministerraad zonder voorafgaande informatievoorziening en consultatie van de Staten van Aruba?

11.

Welke instanties waren betrokken bij de beoordeling en totstandkoming van het concept Rijkswet HOFA?

12.

Hoeveel adviezen zijn er uitgebracht, door welke instanties en departementen, en wat is de inhoud en strekking van deze adviezen?

13.

Kan de regering alle ontvangen adviezen en documentatie integraal aan de Staten overleggen?

Hoogachtend,



Statenlid Rocco Tjon, MBA
Lid der Staten MEP



STATEN VAN ARUBA
Fractie Movimiento Electoral di Pueblo

Aan de Voorzitter van de Staten van Aruba
dhr. A.M. Sneek
L.G. Smith Blvd 72
Alhier

Betreft: 13-tal vragen aan de Minister van Algemene Zaken, Cultuur, Milieu en Natuur dhr. mr. Mike Eman

Oranjestad, 29 augustus 2025

Geachte Voorzitter,

Ondergetekende verzoekt u de volgende vragen door te geleiden naar de Minister van Algemene Zaken, Cultuur, Milieu en Natuur dhr. mr. Mike Eman op grond van artikel III.17 van onze Staatsregeling, alsmede artikel 59 van het Reglement van Orde van de Staten.

Ondergetekende zou graag de antwoorden binnen drie (3) dagen schriftelijk willen ontvangen.

Hoogachtend,



Statenlid Rocco Tjon, MBA
Lid der Staten MEP

Si e rijkswet aki ta asina beneficioso pa Aruba Gobierno no mester tin problema pa brinda claridad y contesta pregunta. Loke nos ta sigur caba ta cu e consecucionan lo ta grandi pa Aruba y no positivo. Sinembargo Gobierno ta den silencio riba e supuesto beneficianan.

PREGUNTA NA GOBIERNO

29 di augustus ultimo, pues dos siman pasa, a manda 13 pregunta pa Mike Eman pa haya claridad riba rijkswet HOFA (Houdbare Overheidsfinanciën Aruba). Preguntanan al caso pa haya sa kico e beneficio y efecto financiero anual ta pa Aruba pa e periodo di 2026 te 2040. Pero tambe nos kier wak tur conseho cu a ricibi pa tuma un desicion asina grandi entre otro riba nivel economico social. E ultimo mas ainda despues cu evaluacion haci door di Hulanda riba e mesun ley aki na Corsou y Sint Maarten a sali negativo.

NEGOSACION DOOR DI GOBIERNO

Parlamentarionan di AVP y Futuro ta bisa cu e mesun team di negosacion a keda traha. Pero obviamente esey ta riba nivel di ambtenaar.



Negosacionnan politico ta wordo haci door di Gobierno. Durante reunion den juli Mike Eman a bisa cu na comienso di augustus e lo cuminsa negocia cu Hulanda, y ya caba riba 13 di augustus e a entrega tur cos den man di Hulanda sin informa Parlamento. Pesey nos a manda haci pregunta tambe cuanto biaha nan a reuni riba nivel politico cu Hulanda riba e topico aki.

PA CONCLUI

Ta incomprendibel cu despues di dos siman, Gobierno ainda no por duna contesta riba e preguntanan basico. Si bo

ta tuma un desicion asina grandi cu tin consecuencia grave pa nos pais, bo tin cu tin e informacion aki disponibel mes ora.

Si e rijkswet HOFA ta asina bon pa Aruba, dicon Gobierno no ta duna transparencia?



Parlamentario Evelyn Wever-Croes

FRACCION DI MEP TABATA TIN UN BON REUNION CU GREMIONAN COMERCIAL ATIA, KVK, CUA Y SNBA

Fraccion di MEP ta teniendo varios reunion cu gremionan comercial y sindical, riba e topico di e RIJKSWET. “Pa nos fraccion ta hopi importante pa gremionan sa kico e ley ta encera, y kiko su implicacionnan ta. Locual a resalta ta cu Gobierno di AVP/Futuro no a consulta, ni sikuiera informa gremionan prome cu a yega na un acuerdo cu Hulanda. Esaki ta contrario na e forma con Gabinete Wever-Croes 1 y 2 tabata goberna, envolviendo gremionan”, lider di fraccion Evelyn Wever-Croes a duna di conoce.

Durante e reunion lider di fraccion di MEP a splica tocante e negociacionnan cu Hulanda.

“Na aña 2024 mi a firma un bestuurlijk accord cu Hulanda den cual nos a palabra e cuadro pa bai negocia. E negociacionnan ey a dura total 14 luna. Nos a negocia e prome 9 lunanan y a avansa hopi, pero 3 punto hopi importante nos no por a negocia door cu nos a sali di gobierno dia 28 di maart, y nos tabata en espera di un rapport di IMF cu a keda cla apenas algun dia prome cu nos a sali di gobierno. Nos a splica e gobierno nobo di AVP/Futuro dicon e 3 puntonan

ta asina importante, principalmente pasobra esey ta e cuadro cu Parlamento a duna gobierno pa negocia. E gobierno di AVP Futuro e ora durante 5 luna a sigui cu e negociacionnan, cu a finalisa e luna aki.

Mi mester bisa si cu riba e 3 puntonan importante, e resultado di nan negociacion ta hopi negativo pa Aruba. Ta trata di:

1. ☐ Exitbepaling

A palabra cu Hulanda cu si nos drenta den un Rijkswet, lo mester palabra un forma cla y factible cu nos por sali afo. Lamentablemente den e ley cu gobierno di AVP/Futuro a presenta, tin un lista di 20 exigencia cu mester cumpli prome cu por sali di e rijkswet. Ademá, si cumpli cu tur 20, ainda ta na discrecion di conseho di minister di Reino, si Aruba por sali. Pues ta bira hopi dificil pa sali di e rijkswet.

2. ☐ Normanan financiero

IMF a recomenda pa no ancla demasiado norma den ley, es mas, a recomenda pa elimina algun norma financiero. Pero nos ta mira awor cu den e rijkswet tin e lista di 20 exigencia, pues ta hopi mas norma ta aplicable.



3. ☐ Interes abou no solamente riba e fianza di COVID, pero tambe riba e debe nacional prome cu COVID.

Den e ley cu e gobierno di AVP/Futuro a presenta na Hulanda, ta cubri solamente e debe di COVID y pa e demas debenan lo mester bai negocia. Basa riba esaki nos ta conclui cu gobierno AVP/Futuro no a negocia bon, e resultado di nan negociacion ta perhudica

Aruba, y nan no mester a acepta esaki nunca. Si tabata ami, lo mi a lanta y nenga e deal. Nos tin un acuerdo di paga bek caba toch. Of mi lo a forsa pa sigui negocia te ora haya algo mihor pa Aruba.

Un otro aspecto ta e hecho cu e gobierno di Hulanda ta double demisionario. Ami lo no a entrega asina lihe, pero mi lo a probecha di e hecho cu no tin gobierno na Hulanda, pa dialoga na

Aruba, dialoga cu Curacao y Sint Maarten y busca union na cas y den Reino, pa asina por ta mas fuerte para ora di negocia.

Mi ta gradici e gremionan ATIA, CUA, Camara di Comercio y San Nicolas Business Association pa a acepta nos invitacion y intercambia cu nos riba e topico asina importante. E reunionnan lo continua” lider di fraccion di MEP a duna di conoce.

Parlamentario Edgard Vrolijk: FUTURO PA KEN?

Unda bo bay hopi ciudadano cu a sostene FUTURO y esnan cu no a sostene FUTURO ta puntra nan mes, pa FUTURO di ken e grupo ki ta trahando? Y pa hopi ainda nan ta buscando e contesta, pero tin hopi ya a realisa cu FUTURO ta percura pa FUTURO di su kring mas cerca esta candidatonan y fundadornan cu hopi di nan ta e sponsernan principal di FUTURO. Laga nos resumi e grupo cu mi lo yama Friends and Family with benefits.

Candidatonan prome cu a regla nan FUTURO

Nos por a tuma nota con FUTURO a percura pa crea posicionan cu no ta existi manera "Distrcit Advisor" unda cu a percura p'esaki cobra rond di 10.000 florin pa luna sin conta su 25% di toelage y tambe su toelage di auto y telefon. Banda di esaki nos ta wak un candidato cu den Raiz, Minister Geoffrey Wever a dun'e e trabao di fotografo, pero awo nos por wak e persona aki como consehero principal di Minister Croes unda e ta cobra alrededor di 10.000 florin pa luna sin conta su toelage di auto y telefon.

Aruba Fair Trade Authority a bira e extension di FUTURO

Tin biaha bo ta puntra bo mes pakico ainda Minister no a tuma e decision pa reduci e percentahe pa locual ta ser fia na instancianan cu no ta banconan unda. e ciudadano ta ser mata cu porcentahenan halto ora di fia. E contesta bo ta hay'e na momento cu bo wak e integranenan di Aruba Fair trade Authority, unda cu Minister Geoffrey Wever a percura pa aloca casa di fundador di Partido FUTURO eyden, yui di un fundador di FUTURO y sponsor tambe di e partido FUTURO. Pues un organo cu mester a bira

uno independiente cu lo por traha na beneficio di Pueblo a bira un organisacion cu ta proyecto pa percura pa FUTURO di amigonan, sponsernan. Lo mas pio ta cu e gruponana aki a ser aloca y ta cobra salarionan hopi halto mes.

FUTURO infiltra den bestuurnan di scol na Aruba

Nos por a tuma nota di miembronan di FUTURO den diferente directivanan di scol na Aruba cu ta crea hopi conflicto di interes. Y nos ta ser alerta di hopi metemente y faboritismo unda cu por ehempel den pasado tin fundacionnan cu e docentenan mester a kita di trabao pa bay traha c'un ex Minister, pero awo si ta ser duna permiso na docente cu afiliacion na FUTURO pa bay traha cu e Minister actual. E ta bisto cu esaki tin di haber cu tin hendenan cu ta fundador di FUTURO na cabes di diferente directiva di fundacionnan na Aruba. Si e informacionan aki ta berdad elo ta un discriminacion enorme y faboritismo politico cu no mag di tin den organisacionnan asina.

Tin pa Friends and Family with benefits pero pa maestro ta keda draai

Tin salarionan desproporcional cu no ta bay cu locual ambtenaarnan y maestronan ta cobra, cu DRH ta fiha a base di funcion y diploma. Un ehempel nos por wak un facilitaire medewerker den Cocolishi ta cobra 6.700 florin pa luna sin conta su 25% di toelage. Bo por wak un medewerker protocol cu salario di 6.700 florin pa luna sin conta su toelage di 25%, bode ta cobra 6.500 pa luna, un consehero simpel cu no ta esnan cu a crea nomber, ta cobra 9.900 pa luna sin su toelage di 25%. Pues ta ser paga salarionan desproporcional

sin tin preparacion, pero pio sin cu a tene solicitud habri. Ta keda draai rond di maestronan y cu t'un grupo grandi cu a sostene Minister Gerlien Croes cu nan voto y awo nan por wak cu ta keda draai rond di nan aumento di structura salarial, pero cu asina mes e docentenan cu HBO y WO opleiding hamas por yega na e salarionan desproporcional cu ta ser duna na e FRIENDS AND FAMILY WITH BENEFITS di FUTURO. Hopi tristo cu a priminti di haci diferente, pero awo tur hende ta wak e engaño di AVP 2 cu FUTURO ta.

Pa termina cu e logro di mas grandi di FUTURO den 1 año di existencia ta percura pa FUTURO di su Friends and Family with benefits



alocandonan den organisacionan cu salarionan halto, candidatonan acomodandonan cu salarionan desproporcional y sin conta esnan den Cocolishi cu a drenta sin solicitud habri y unda promedio di salario sin e 25 % di toelage ta rond di 7.500 florin pa luna pa trahado.





Biba bo Summer Dream



Ki ta bo soño e zomer aki?
Laga bo zomer briya cu CMB!

CashBack
cu Bo Prestamo Personal

Regalo Cash di Afl. 1.200

pa mas informacion subi:
eamigo.com



Si bo ta planea un biahe inolvidabel, desea di remodela bo cas, compra un auto nobo, of yuda bo yiu studia den exterior.
CMB ta cla pa yuda bo logra bo summer dream.

Aplica awor y ricibi un Summer Cash Back di Afl. 1.200 cu bo prestamo personal.

Presta responsabel.

E promocion aki ta valido te cu 30 di september, 2025. Prestamo personal "BIBA BO SUMMER DREAM" tin un interes efectivo di 16.00% p.a., mientras cu e duracion ta minimo di 3 aña cu un maximo di 5 aña.

E suma SUMMER CASH BACK di Afl. 1,200.00 ta conta exclusivamente pa tur sumanan di prestamo di Afl. 15,000.00 of mas y tambe pa tur otro terminonan di pago cu ta mas cu 3 aña. Prestamonan cu no ta cumpli cu e rekisito minimo di e suma di Afl. 15,000.00 of e termino di pago minimo di 3 aña lo no yega na remarca pa haya e SUMMER CASH BACK di Afl. 1,200.00.

Clientenan existente mester aplica y wordo aproba pa un minimo di Afl. 10,000.00 na fondonan nobo y cu un termino di pago di minimo 3 aña. Mientras cu nan prestamo existente mester ta paga pa mas cu mitar di e suma original.

Cada aplicacion, sea ta nobo of existente, lo wordo evalua segun su propio meritonan, y segun normanan y reglanan standard di Caribbean Mercantile Bank N.V. Condicionnan di empleado, sea ta pa medio di contrato colectivo (C.A.O.) of segun contract di trabao di banco, no ta aplicable pa e oferta aki.


Un gasto di administracion lo wordo cobra igual na Afl. 165.00 pa e prome aña di e prestamo, y Afl. 140.00 pa cada aña adicional. Un seguro di riesgo lo wordo cobra igual na 4% di e suma di e prestamo, mas e interes y gasto di administracion cu un maximo di 900.00 florin. Den caso cu prestamonan personal wordo cancela prome cu e termino acorda, Caribbean Mercantile Bank N.V. ta reserva e derecho di cobra un boet di 10% di e interes acorda durante ful e periodo cu a resta.

Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Scan QR code
pa pre-aplica



MAS DI 400 BOLUNTARIO A UNI DEN LIMPIESA DI COSTA ORGANISA PA AHATA



Aruba Hotel & Tourism Association (AHATA) y su Comite di Medio Ambiente ta agradecido cu mas di 18 companianan miembro y otro partnernan a uni forsa den un limpieza grandi di costa. Mas di 400 boluntario a participa den e esfuerso aki. E iniciativa a tuma luga entre 13 pa 15 di september. Miembronan y partnernan di AHATA a demonstra nan compromiso na e Dia Mundial di Limpiesa di Costa.

E dia global aki tin como meta pa crea concientisacion tocante e problema di sushi den lama y costanan.

E iniciativa aki, cual AHATA ta organisa pa mas di 25 aña, ta un esfuerso pa contribui na proteha y mantene e naturalesa y e bunitesa di nos isla. Boluntarionan di cada grupo a bay na varios area di costa rond di nos isla y a colecta mas di 4500 kg di desperdicio, manera boter di plastic, boter di glas, bleki, styrofoam, rubber, resto di sigaria, tapa di

boter, bestek di plastic, palo putri, y hasta aparato di cas, desperdicio di construccion, y desperdicio di hardin.

E gruponan cu a participa den e limpieza di costa ta: Tryp by Wyndham Aruba, JOIA Aruba by Iberostar, The Ritz-Carlton, Aruba, The St. Regis Aruba Resort, Renaissance Wind Creek Aruba Resort, Kini Kini Transfers & Tours, Casiola Aruba Vacation Rentals, La Cabana Beach Resort & Casino, Guardian Group, Boardwalk Boutique Hotel Aruba, Marriott Complex, Bucuti & Tara Beach Resort, Courtyard by Marriott Aruba Resort, Amsterdam Manor Beach Resort, Secrets Baby

Beach Aruba, Divi Resorts, Diamonds International, Caribbean Mercantile Bank, ScubbleBubbles Foundation, y Leo Club Delta Aruba.

E areanan cu a wordo cubri ta inclui: Tres Trapi, Boca Catalina, Arashi, Sasariwichi Duinen, Westpunt, Hadicurari, Urirama, Wariruri, Bocanan patras di Alto Vista, Bushiri, Eagle Beach, Malmok, Saliña Cerca, Mangel Halto, Santo Largo, Grapefield, Rincon, y Boca Grandi.

AHATA ta orguyoso di e dedicacion di tur e boluntarionan cu a duna nan tempo y esfuerso, demostrando nan amor pa Aruba.





Diadomingo awo, dia 21 di september 2025, ASU lo organisa su grandioso Sport & Health Expo, cu lo cuminsa di 10or di mainta te cu 7or di anochi na Centro Deportivo Betico Croes na Santa Cruz. Durante e Expo lo bay tin diferente Federacion cu lo duna mas informacion di nan deporte. Tambe lo tin demostracion di diferente ramo di deporte. Lo tin diferente booth di organisacion cu lo comparti informacion di nutricion, salud y hopi mas.

Imsan tambe lo ta presente pa esnan cu ta interesa pa controla presion, sucu y colesterol.

Lo bay tin un kids corner pa e chikitinnan entretene nan mes y tin federacion cu ta bay recauda fondo cu nan bar y cushina bon surti.

E Expo lo wordo combina cu nos mahestuoso apertura di ASU Olimpiada 2025 cu ta cuminsa di 3or di atardi pa 5or di atardi, cu desfile di 26 federacion participando.

Despues di cende e antorcha olimpico pa start e ASU Olimpiada, e Expo ta sigui te cu 7or di anochi.

Ta cera e Expo cu un bunita presentacion di e cabaynan di e federacion di Organizacion Caballista Arubano.

ASU ta manda un cordial invitacion na henter pueblo di Aruba, pa asisti na nos tremendo Sport & Health Expo combina cu nos extraordinario ASU Olimpiada 2025.

Nos ta warda boso diadomingo awo dia 21 di september 2025, di 10or di

mainta pa 7or di anochi na
Centro Deportivo Betico
Croes.

ASU Elevando Deporte!
Directiva Aruba Sport Unie

SPORT & HEALTH EXPO Y APERTURA DI ASU OLIMPIADA 2025

NON-PROFIT LEADERSHIP AND GOVERNANCE CONFERENCE

Heart + Knowledge for Community Work

Keynote Speaker

Mr. Michael D. Layton, Ph.D

Dorothy A. Johnson Center for Philanthropy - USA

Speakers

- **Hellen van der Wal** - Corporate Governance Implementation Team
- **Robbert Kroon** - Galan Group Curaçao
- **Edward Erasmus** - University of Aruba
- **Gyonne Goedhoop** - Kreashon Konstante
- **Jose Sommers** - Foresee Foundation St. Maarten

September 27, 2025

Hyatt Regency Aruba | 8:30 am - 4:30 pm

AWG 50

**For two representatives
per registered organization.**



Scan to register!



A sinta cu Tom de Graaf y Andy Lee

PROME MINISTER MIKE EMAN CU DOS DIA DI BISHITA NA RAAD VAN STATE



Durante su bishita di trabao na Hulanda, Prome Minister mr. Mike Eman, a reuni cu varios politico prominente di Hulanda. Esaki a inclui tambe un reunion extenso cu Vice-Presidente di Raad van State, Sr. Tom de Graaf. Formalmente e presidente di Raad van State ta e Rey, pero den funcionamiento, e vice-presidente ta encarga pa dirigi e trabou di Raad van State. E Rey ta participa si den e reunionnan di Raad van State pero no tin derecho di voto.

Prome Minister mr. Mike Eman a duna un comparacion riba locual ta trata e Raad van State


na Hulanda cu locual cu nos tin na Aruba, cual ta e Raad van Advies. Na momento cu tin un producto di ley, e ta pasa pa e organo di conseho aki cu ta sumamente importante, cu ta duna su puntonan di bista.

Raad van State ta un entidad independiente cu ta atende cu temanan cu no ta cubri suficiente den un ley, adaptacion den un ley y hasta leynan cu den su totalidad no ta adecua pa pasa. Esaki sigur ta di sumo importancia. Un instituto independiente, profesional, cientifico, cu ta duna opinion los for di e forsan politico na Hulanda.

Raad van State durante añanan di Status Aparte, na diferente ocasion a duna varios conseho na momento di diferencia di opinion cu Gobierno di Reino/ Rijksweterraad, hopi bes na favor di interpretacion di Aruba.

Premier Eman a indica cu Raad van State semper tabata un instituto di hopi respet, cu prominentenan grandi di pais Aruba den Raad van State, entre otro Sr. Maduro, tambe prominente cu a marca historia den tur locual cu tin di haber cu leynan constitucional di Reino Hulandes, cu ta Sr. Mito Croes, como tambe Sra. Schwengle cu tambe a hunga un rol importante pa locual ta trata e Rijkswet entrega awo na Rijksweterraad, y na e momento aki Sr. Andy Lee.

Dialuna durante dia a combersa ampliamente cu Sr. de Graaf, mientras cu e dia siguiente a duna atencion special na e staatsraad lid, cu ta di Aruba den Raad van State. Andy Lee ta un profesional na prome luga, haciendo e trabou independientemente di e pais cu a apunt'e, pero semper ta keda e relacion cu e islanan, como cu e contribucion cu un staatsraad di e islanann ta duna, un perspectiva tambe na mesa con pa interpreta un ley den contexto di nos islanan. Especificamente di Aruba,



ora ta trata e input di Sr. Lee.

A hiba un combersacion amplio cu Sr. Lee, y ta contento di por a intercambia y conoce di su banda kico ta e leynan cu ta na caminda, importancia y implicacionnan pa Aruba y e otro islanan. Di otro banda kico ta e vision di e

gabinete aki pa un Reino cu ta bay enfoca riba unda tin e balornan agrega, entre e islanan pa asina hacie un Reino real, caminda e interes/ bienestar di tur e islanan, especificamente esun di Aruba cu Hulanda lo keda prominentemente presente den decisionnan cu lo keda tuma.

Partido MEP

PARTIDO FUTURO TA PARTIDO DI FRIENDS & FAMILY & SPONSORS



ORANJESTAD - Partido Futuro a resulta di ta realmente e partido di friends and family and sponsors. Aparte di acomoda tur candidato di Futuro den posicionnan clave cu salario halto, y aparte di acomoda yui y casa di

fundadornan di e partido, nan ta acomoda nan sponsornan tambe. Aki ta trata di e proyecto di Electric Vehicles. Minister Geoffrey Wever a manda un carta pa tur departamento di gobierno pa informa nan cu una bes

e leasen an di auto vence, cu nan mester bai over na auton an electrico. No ta importa cu e suma di lease ta mas halto, pasobra “nan lo paga menos gasoline y esey lo baha gasto”. Pero no ta esey AVP y Futuro a ataca ex minister

di finanzas cu n’e dia aden dia afor? Awor nan ta bin y hasi’e no cu un auto, sino cu centenares di auto. SPONSOR DI PARTIDO SO TA PROBECHA Pero e problema mas grandi ta cu e minister ta hasiendo tur esaki SIN un destaho publico y aparentemente ta manda tur auto na e sponsor di partido Futuro, cu aparentemente ta e agencia di auton an electrico Green Wheels. Esaki ta algo totalmente inaceptable, y contra ley di contabilidad y reglanan di destaho publico. Adem as, ta un falta di transparencia.

Ya caba Parlamento a denuncia esaki. Fraccion di MEP a manda preguntanan tambe den pasado, pero e minister a scohe pa no contesta y sconde e bagamunderianan aki. Pero cos no ta keda te aki. Aparentemente tin keho entrega contra e compania SPONSOR tambe. Fraccion di MEP lo bolbe haci un intento pa Minister Geoffrey Wever duna transparencia den esaki, y sino, no ta keda nada otro cu mocion di desconfianza y keho na Ministerio Publico.

Partido Movimiento Electoral di Pueblo

EX PROME MINISTER EVELYN WEVER-CROES A RICIBI E RECONOCIMIENTO DI THE WADE’S FAMILY ENDOWMENT’S WREATH FOR INTERNATIONAL LEADERSHIP

ORANJESTAD – Recientemente Ex Prome Minister Evelyn Wever-Croes a ricibi e reconocimiento di The Wade’s Family Endowment’s Wreath for International Leadership. Ta trata di nan proyecto principal “The International Children’s Memorial”. “The Wade Family Endowment” ta e hala filantropico di Kendal Wade Funeral Home LLC. E reconocementonan cu e instancia ta otorga ta basa riba un legado extenso di compasion

y servicio na comunidad. Embahador Kendall Wade personalmente a bin Aruba pa entrega e reconocimiento aki na Evelyn Wever-Croes pa e trabou, servicio, dedicacion y sacrificio di Evelyn Wever-Croes y henter e gobierno durante e 7 aña y mey di Gabinete Wever-Croes 1 y 2. Embahador Kendall Wade a expresa “Your work, service and sacrifice has not, and will not got unnoticed”.



DIA MUNDIAL DI OZON, PROGRESO TA POSIBEL DOOR DI CIENCIA Y UNION

ORANJESTAD – Anualmente riba dia 16 di september ta observa y, den e caso aki, celebra e compromiso cu paisnan a haci na 1987 pa proteha e capa solar. Ta referi na e compromiso pa proteha e bida humano y e medio ambiente door di implementa e Protocol di Montreal cu ta trata e regulacion y tambe prohibicion di substancianan cu ta caba cu e Capa di Ozon.

E tema e aña aki ta enfatisa e rol importante cu ciencia tin pa alerta mundo riba e problemanan cu ta presenta relaciona cu e estado di e capa solar.

Cuarenta aña pasa, e Convencion di Vienna a adopta e Montreal Protocol como resultado di e preocupacionnan cu e comunidad científico a presenta en conexion cu un posibel impacto catastrofico di e capa ozon como consecuencia di e aumento di e clorofluorocarbono, HFC, (chlorofluorocarbons). Desde cu a adopta e Montreal Protocol, a experiencia un avance den e meta pa proteha e capa ozon. A logra un obhetivo; controla y trata na stop uzo di substancianan cu ta dañá e capa di ozon.

Manera Secretario general Sr. Guterres di Nacionnan Uni a bisa den su relato en conexion cu e dia aki: “Awe e capa di ozon ta curando. E logro aki ta recorda nos cu ora nacionnan pone atencion na e advertencia di ciencia, progreso ta posibel. Cientificonan ta bati alarma un biaha mas. E biaha aki, pa avisa cu nos ta subiando e temperatura mundial cu 1.5 grado Celcius mas halto cu e temporada pre-industrial cu tur consecuencia cu ta bini cu ne.”

Den e relato aki Directie Natuur en Milieu (DNM) ta trece dilanti e tema cu ta enfoca riba e substancianan cu ta caba cu e capa solar, cua herment y tipo di checklist ta disponibel pa e

industria di refrigeracion y airco (RAC).

The American Society of Heating, Refrigerating and Air-Conditioning Engineers (ASHRAE) conhuntamente cu OzonAction, un programa di Nacionnan Uni pa Medio Ambiente (UNEP), a lansa un herment nobo diseñá pa apoya practicanan sostenibel den e industria di refrigeracion y airco (RAC). Un lista di verificacion, cu tabelnan di orientacion, pa evalua e aspecto di sostenibilidad den e industria di RAC. E lista ta disponibel gratuitamente y e ta pa yuda tecniconan, ingenieronan, fabrican y nan proveedor drecha e manera di traha door di reduci emisionnan y alinea nan mes cu e metanan pa e medio ambiente y e uzo eficiente di energia.

E informacion aki ta trata e complexidad di e sistemanan RAC, e uzo di e likido di fria cu tin e potencial pa contribui na e keintamento global. E ‘checklist’ aki ta un herment cu ta duna asistencia practico na e esfuersonan mundial cu ta promove un sistema di refrigeracion sostenibel. Asina Sr. Jim Curlin, Hefe di E subdivision di Ozon di UNEP, a bisa.

Bou di e Protocol di Montreal y e Amiendanan di Kigali, hopi pais, specialmente esnan den desaroyo, ta enfrenta retonan tecnico y di regulacion pa reduci dependencia di e likido di fria cu e potencial pa keintamento global (GWP). E hermentnan manera esaki ta yuda cu e conocimiento di conceptonan manera cumplimento, siguridad y eficiencia di energia cu por procesa ora ta trata e instalacion. E acuerdonan ambiental ta rekeri mas cu compromiso pasobra nan implementacion real mester tuma luga na nivel operativo. E herment



ta permiti implementacion cu solucionnan practico cu ta apoya esfuersonan pa minimalisa e chens cu e likido di fria por scapa y asina mehora e practicanan di mantencion y miho operacion di e sistema.

E iniciativa aki ta parti di e colaboracion ASHRAE-UNEP pa sostene e practicanan cu ta mas ‘safe’ pa clima y e capa solar, pero tambe pa fortalece e implementacion di e Protocol di Montreal. E cahita di herment RAC ta disponibel na: www.ashrae.org/unep-RACchecklists.

Dia Mundial di Ozon ta ofrece nos un oportunidad pa reflexiona riba

e logronan di pasado, e trabounan actual, y futuro implementacion di e Protocol Montreal y e amienda di Kigali. E fecha aki ta pa eleva conscientisacion di comunidad tocante e importancia di e acuerdo ambiental multilateral. DNM ta gradici, como tambe urgi comunidad pa keda bon informa di e avancen di accionnan na nivel internacional. Recordando un y tur cu ta danki na e trabou colectivo di Nacionnan Uni (UN), secretariado cu ta atende cu e tema di Ozon, gobiernonan, industrianan y comunidad a yega asina leu y cu no mester para aki, mester sigui proteha e capa solar!

Clasificados





SOLODIPUEBLO@GMAIL.COM

CEL. 585 9500



Federacionnan nacional ta reconoce e importancia di promocion y comunicacion COA su curso Capacity Building Training pa sigi cu tayernan di “marketing”



Despues di e prome dos lesnan cu a tuma luga di “Good Governance” y “Finance”, e curso di Capacity Building Training duna door di Comité Olimpico Arubano na tur federacion miembro a continua cu les di Marketing. Aki Miguel Ortiz a guia e tayer, unda cu ta usa su experticio como persona den mundo di marketing den e sector di “hospitality” pa hopi aña, ademas di tin su propio club di gimnasia “Perla Gymnastics” cu e

ta usa cu conocimiento pa promove y maneha exitosamente. Durante e les aki a trata diferente tema, pero mas importante a duna espacio pa asina tur federacion por vocifera nan ideanan, haci pregunta y logra traha riba e ideanan aki durante e tayer den grupo pa asina cuminsa traha riba un plan strategico. Mester bisa cu tur federacion presente durante e prome dia di les a indica di compronde e importancia di marketing pa asina

promove nan federacion cu sigur lo yuda cu varios area di preocupacion cu tin, como haya mas voluntario y dirigentenan pa yuda dentro di e federacionnan. A traves di un miho marketing di nan federacion, e dirigentenan actual ta conta cu un miho nivel di participacion di e comunidad deportivo. Otro siman dialuna lo sigi cu e otro gruponan di federacion miembro unda sigur lo bin mas punto dilanti pa cu marketing di deporte. #TEAMARU

Paga bo cuenta online ta facil



Pa hasi pago online pone number y adres na
cuenta di banco RBC Sunmax Printing
account # 7700000100152447

PRESIDENTE DI EERSTE KAMERCOMMISSIE VOOR KONINKRIJKSRELATIES: TIN UN BASE DI CONFIANSA PA POR YUDA OTRO




no ta algo cu ta haya e debido atencion for di Gobierno Hulandes mirando cu hopi politico na Den Haag no sa con e relacionnan aki ta hinca den otro. Rosenmöller conoce Prome Minister Eman bon, y pa hopi tempo caba, locual ta crea un base di confiansa cu cual por yuda otro mas facil.



CROSSWORD WORD SEARCH PUZZLE



Animals Crossword ★



Word List

- Camel
- Cobra
- Elephant
- Kangaroo
- Koala
- Lion
- Polar bear
- Seal
- Squirrel
- Tiger



Across

- 3. This huge creature lives in the polar region (9)
- 4. A member of the large cat family with stripes (5)
- 5. Rhymes with meal (4)
- 8. Very cuddly Australian animal, not a bear (5)
- 9. Lives in both Africa and Asia and has a long trunk (8)

Down

- 1. Both the name of a snake and a car (5)
- 2. An Australian icon which hops (8)
- 5. Has a long tail and collects and stores nuts (8)
- 6. An African animal which lives in a pride (4)
- 7. This can have one hump or two (5)

Den combersacion cu Prome Minister Eman, Sr. Paul Rosenmöller, presidente di Eerste Kamercommissie voor Koninkrijksrelaties ta convivi cu e preocupacion cu ta reina na Aruba.

Pobresa y deterioro den e barionan na Aruba, con e comunidad por tin mas beneficio for di e sector di turismo, e preocupacion den region y mucho

mas, ta topiconan cu Prome Minister semper ta comparti cu Sr. Rosenmöller.

Despues die combersacion cu Prome Minister Eman, Sr. Rosenmöller ta haya e pensamiento pa un fondo di inversion di Reino hopi interesante y cu tur e informacion adicional ricibi, e lo hiba esaki pa su coleganan pa nan studia.

E espacio pa inverti den e islanan manera Aruba ta hopi limita y e idea di e fondo di inversion aki ta algo hopi creativo pensa cu merece mas atencion.

Relaciona cu e Rijkswet, pa tanto e aspecto di e geschillenregeling como e aspecto financiero, Rosenmöller a indica cu pronto lo discuti esaki durante di e IPKO, hunto cu e otro partnernan den Reino.

Segun Rosenmöller, Relacionnan di Reino



SOPÍ DI LETRANAN

E C U B A A C I R A T S O C C X L
M L A I R O T A U C E A E N I U G
N Q A D V X U R U G U A Y P C H C
O G L I O X K H B W N G D E S D E
C Q E P G M E R L K C O C H A U L
I R U H A B I L M W L V D C R N S
R R Z Q Q R J N I S Q O W U U C A
O O E G R B G O I H R E P A D O L
T V N V N T C E A C C Y I D N L V
R A E P A I D Ñ N P A V U R O O A
E L V L X U A R A T I N X K H M D
U A E É B P G N O L I E A Q H B O
P M M P S Ú A A O D E N N T M I R
H E A E R M A B R C A F A Z R A A
P T L E Á O K P L A G U P Z N C L
Z A P S Q G I R O M C E C W N G J
J U X Y A U G A R A P I Z E U P V
U G C P R N P D E Q I V N L G E D


ARGENTINA
BOLIVIA
CHILE
COLOMBIA
COSTARICA
CUBA
DOMINICANA
ECUADOR
ELSALVADOR
ESPAÑA
GUATEMALA
GUINEAEQUATORIAL
HONDURAS
MÉXICO
NICARAGUA
PANAMÁ
PARAGUAY
PUERTORICO
PERÚ
URUGUAY
VENEZUELA

SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

Delegacion di Pesas a baiha pa Guayaquil



Un delegacion di pesas a baiha pa Guayaquil na unda nan lo participa den e Campeonato Suramericano Sub-15, Sub-17, Sub-20 y Absolutu. fecha di 14 pa 20 september 2025.

Aruba a bai cu 4 atleta dos femenino cu ta Zayna Maduro cu lo hisa den categoria di 53kg y otro ta Ettel Boyce cu lo hisa den categoria di 58kg. Nos ta hanja den masculino Derrick Webb lo hisa den junior den categoria 65kg y por ultimo Laertes Araque cu lo competi den absoluto den categoria di 88kg.

E competencia mes a cuminsa dia 15 september

y lo termina dia 20 sepetember 2025 cu un participacion di 181 atleta femenino y masculino y e apertura mes a tuma lugar dia 16 september cu desfile di 10 pais presente di e Continente Suramericano.

Aruba Amateur Weightlifting kier a manda palabra di gradicimento na Stichting Sport Subsidie y Panamerican Weightlifting Federation cu a cubri e gastonan di e biahe y estadia di e atletanan y tambe ta desea e atletanan Zayna Maduro, Ettel Boyce, Derrick Webb y Laertes tur clase di exito den e Campeonato Suramericano cu ta tuma lugar na ciudad di

Clasificados

SOLODIPUEBLO@GMAIL.COM
CEL.585 9500


Mira con Dios a salba mi,
Tur mi confiansa ta den djE,
Mi n' tin miedo:
Señor Dios ta mi forsa, mi refugio.
E mes t'Esun cu a salba mi.





Isaías 12:2

Cu dolor na nos curason, pero conforme cu Dios su boluntad, nos ta participa fayecimento di nos ser stima:

Sra. vda. Maxima E. Semeleer-Paesch
Cariñosamente yama "Shomina, Chimina y Mamina"
*01-02-1934 - †13-09-2025

Acto di entierro lo wordo anuncia despues

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🎡 - September 17, 2025	
 Sorteo # 4745 8512 0236 8265  FP  Sorteo # 4745 2749  X2  Sorteo # 2801 6274  Sorteo # 4745 4735 Leo  Sorteo # 1619 538  FP		 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 725.000,-
		 Sorteo # 0 x Jackpot 0 x Match 4 0 x Afl. 8,00	Proximo Jackpot 62.000,-
		 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 260.000,-
		 Afl. 360.000,-	
		 Sorteo # 	

	Paardenbaaistraat 10, Oranjestad, Aruba Tel.: (297) 525 - 7555	
	www.lottoaruba.com	
	Resultado: Sorteo di Anochi > - September 17, 2025	
		
Sorteo # 8650	Sorteo #	Joker Letter
9870	0 x Jackpot	Proximo Jackpot
7720	0 x Match 4+	725.000,-
9522	0 x Match 4	
	0 x Afl. 12,00	
X2		
		12-19-22-25-28
Sorteo # 7694	Sorteo # 6950	Proximo Jackpot
8715	0 x Jackpot	62.000,-
	8 x Match 4	
X2	138 x Afl 8,00	
		07-11-17-20
Sorteo # 2399	Sorteo # 1802	Mega Ball 04
3820	0 x Jackpot	Proximo Jackpot
	1 x match 4	260.000,-
Sorteo # 6453	3 x Afl. 500,00	
6325	52 x Afl 50,00	
Geminis	58 x Afl.15,00	
		Afl. 360.000,-
Sorteo # 1383		
067	Sorteo #	
		
FP		

Maske bo a despedi pa semper Y bo man nos no por tene mas
Hopi ta e recuerdonan di momentonan alegre
cu nos a comparti Dios tin bo den su reino
Y nos tin bo den nos curason

Cu honda penda pero conforme cu Dios su boluntad,
nos ta anuncia fayecimiento di:



Luis Rudolf Chong

mihor conoci como “Roy”

*25 augustus 1935 – †13 september 2025

Na number di su:
Esposa:
Sira Chong-Koolman

Su yiunan:
Gregory Chong y yiunan
Jeffrey Chong y yiunan
Luis y Marisol Chong y yiu

Su rumannan:
†Norma Cha Fat y yiunan
Letty de Marchena y yiunan
†Greta Chin y yiunan
Donald Chong y yiunan
Leun Fat y Zaida Chong y yiunan

Cuña:
Rosalia Jelten

Amigo, amiga di cas:
Melva Rosel, Guiguiola Molina, Giselle Tromp, Vachi Werleman y Clara Croes

Ex-coleganan di Aruba Trading Company,

Subrina y subrinonan nieto y nieta nan y demas famia na Aruba, Curaçao y Hulanda, Chong, Koolman, Tromp, Cha Fat, de Marchena, Chin, Rosel, Fortuin, Jelten, ta invita tur famia, amigo y bisiña pa asisiti na e acto di despedida cu lo tuma lugar

diabierna 19 di September 2025 di 7:00 pa 9:00 pm na Aurora Funeral Home.

Cremacion lo tuma lugar despues den seno familiar.

Enbes di manda krans of flor lo tin un box disponibel pa Fundacion Cas Marie.

Nos disculpa si den nos tristeza nos por a lubida di menciona un of otro famia.

Nos ta lamenta cu despues di entiero nos no por ricibi bishita di condolencia na cas.

FORTALEZA PA FAMILIA

Scirbi pa Pastor Marcel Balootje.

LAGA COSNAN BIEU BAY , PA BO RICIBI COSNAN NOBO DI SENJOR

Ora nos ta pega den cosnan bieu, y nos no kier laga los, nos ta persisti den maldad, nos no kier entrega, nos ta sigi coba den bida di hende, nos ta sigi molestia, sigi tira cos na cara, no ta pordona, pero ta sigi husa pasado di hende como ofensa, pa asina halsa nos mes kierendo cu nos ta mihor, anto lamentablemente e momento ey , nos ta duna senjal di amargura y arogancia den nos bida.

Si como mayor bo kier pa bo yiu drecha su bida, ta imposibel pa bo ta lanta zundra tur dia, riba cosnan bieu, ta yega e momento di demostra amor, pasobra amor ta cura herida, amor ta lanta hende bek ta restaura bida di hende, pero si nos ta lanta tur dia terciendo culpabilidad delante, esey ta haci dificil pa corecon y disciplinaa tuma lugar.

Isaias 43:18-19 ta bisa nos claramente: No recorda e cosnan di antes, ni keda



pensa riba cosnan cu a pasa caba. Mira mi ta bay haci algo nobo, awor esaki ta bay sali na cla, boso no ta ripara esey? Lo mi traha un carretera den tera seco, y ruinan den desierto.

Di berdad di berdad, pa nos bida avansa, nos mester pone cosnan bieuw un banda, pasobra no tin ningun clase di gananshi den keda cana cu pensamentonan di

rencor y odio, tur locual ta habri herida, di pasado nos mester aparta di dje. Pasobra e enemigo lo keda husa esey constant pa trece tristesa y asina dramatiza nos bida constant, cu ta hiba nos bida atras, y nos salud mental ta wordo ataca.

Dios mes ta bisa pa laga cosnan bieu atras, pasobra Dios sa bon, cu tin cosnan di nos pasado cu ta haci dolor, y cu nos mes no por haci nada contra dje, pesey Dios ta bisa nos pa aparta for di cosnan di pasado.

Hopi biaha nos pasado ta mara den scuridat, nos pasado ta mara den pica di inmoralidad, bruheria, orguyo, arogancia, discriminacion, y den e cosnan ey no tin ningun clase di crecemento.

Diabel ta gusta biba den pasado di hende, pa asina e por wanta hende atras den scuridat y asina e por tin dominio riba mente di hende, pasobra cada biaha cu nos rabia, of nos ta tristu, e diabel ta cohe bentaha den nos bida y pasobra esey ta su plan, pa horta, pa mata, y pa destrui (Juan 10:10).

Nos tin cu wak bon pa nos

cas ta cas di oracion, y no un cas di rabia y odio, pasobra cu heridanen bieuw e enemigo ta haci nos cas un cas di murmuracion. Y murmuracion ta completamente contra e palabra di Dios.

Ta tempo pa nos fiha nos bista riba e bondad nan di Dios, y no riba locual nos a perde den bida, pero tambe pone nos bida riba e bondad di Dios, riba tur locual E a haci pa nos y sigi bay dilanti no wak atras.

Dios sa tur cos, kico E ta permiti den nos bida, tin

biaha tin prueba chikito y tin biaha tin prueba grandi y doloroso, pero den tur cos Dios ta duna nos sosten, y nunca Dios ta duna nos un carga mas pisa cu nos por carga. Y tambe Dios ta duna salida for di tur tentacion.

Pakico sigi preocupa, si nos no por cambia ni un cabey riba nos cabe, preocupacion ta haci hende malo, e ta afecta hasta weso di hende, tur locual ta presion halto, por wordo causa door di un simpel preocupacion.

Sinceramente, Pastor Marcel Balootje.

5 PA DOÑONAN DI MASCOTA DURANTE MAL TEMPO

1 Tira un "fluoridacion" pa bo familia na preparacion y inclui bo mascota den dje. Keda nancas bo lo haci uso di dje pero "better be safe than sorry". Dileti e "vacaciones" di a seasonnan pa un "vacaciones" y pordona pa por ahucate e plan ald na cualquier momento teniendo cuenta cu tur cos cu ta haci lo mester ta facil y accesible pa por uza pa 24 siman, puc.

2 Alue, sumido, algo pa pone cu y comiendo den dje.

3 Cualier remedio cu e mascota ta astando riba dje incluyendo su tratamiento contra carpa, punga y banturoni (check fecha di expiracion).

4 Un pet carrier.

5 Un kaitabak cu su valling.

6 Saco di plastico pa pone nan eschi aden.

7 Exeltra leachi.

8 Un soy hunga.

9 Buki di vestura.

10 Sigiera un petnet di bo mascota.

2 Pordona pa bo mascota tin un comiendo pa acorda pa suq.

3 Pordona pa bo mascota tin un comiendo cu a por sinu algar si e hayo a trase di lampor cu a trase.

4 Pordona pa bo mascota cu vacunanan ta up to date pa nan ta bon protecta contra malesanan infelices cu por sangi especialmente ora su yobé hopi.

5 Pordona pa bo mascota tin un microchip. Clendat un banchi cu su clendat pa por guda pero an caso e mascota perde e banchi aki, por traha e info bek via e microchip, central cu e info ta up to date.




UN BITTER DI MAS...

POR STROBA BO DI YEGA CAS.



E DECISION TA DEN BO MAN

